

## **Universitätsbibliothek Paderborn**

**Vita P. Balthassaris Alvarez, Societatis Iesv Religiosi**

**Puente, Luis de la**

**Coloniae Agrippinae, 1616**

Concio habita in translatione Oßium Patris Balthassaris Aluarez pijßimæ  
memoriæ ad Ecclesiam Societatis Iesu Villa-gartiensem

**urn:nbn:de:hbz:466:1-43347**

## CONCIO

HABITA IN  
TRANSLATIONE OSSIVM  
PATRIS BALTHASSARIS ALVAREZ  
piissimæ memorie ad Ecclesiam Socie-  
tatis IESV Villa-gartensem.

## SALVTATIO.

*MEMORIA IOSIAE IN COM-  
POSITIONE odoris facta opus pigmentarij.*

*In omni ore quasi mel indulcabitur  
eius memoria, & ut musica in  
conuiuio vini. Eccli. 49.*

i. &c.

**O**NVENIMVS hodierna die  
in Ecclesiam hanc, ad recens  
celebrandas exequias celebris  
illius viri & gloriose, ac fœ-  
licis memorie P. Balthassaris  
Alvarej, Religiosi Professi no-  
stræ Societatis I E S V I et si e-  
nim eam ipem habeamus, quod felix eius anima,  
diu iam fruatur æternis gloriæ bonis: (quod no-  
bis pollicentur rara virtutis exempla qua nobis  
in vita sua dedit) Nihilominus, ut sanctæ Ecclesiae  
matris nostræ constitutionibus pareamus, no-  
stræque obligationi satisfaciamus, Defunctorum  
Officium persoluimus. In quo ego minimus &  
indi-



indignissimus omnium eius filiorum, sermonem de tali viro & in tali occasione habiturus, ad rem esse existimauit Sapientis verba initio proposita: Memoria Iosiae, &c. quibus omnes sui populi filios exhortabatur, ut memores essent gloriose sanctique illius Regis Iosiae, qui à Deo in bonum suæ gentis electus, excellentia adeò & stupenda opera in suis diebus fecit, ideoque Sapiens illis dicebat: memoriam hanc debere esse compositionis instar ac mixturæ ex varijs odoriferis, & aromaticis rebus per manum præstantissimi alicuius artificis conditæ, quæ suauissimum odorem continuè exhalet: eritque hac memoria in ore omnium hominum, qui de calquentur, quasi mellis fauus sapidissimus illis ac dulcissimus; & quasi suauissima & ordinatissima musica in auribus existentium in deliciosissimo conuiuio. Aptantur autem hæc verba pulcherri- mè excellentissimo huic viro, cuius ossa in Sarco- phago illo inclusa habemus. Quemadmodum enim apprimè illi competit nomen Iosiae, quod in hebræo ignem Domini significat: ita etiam facta, & quæ de altero illo Iosia dicebantur, aptantur illi commodissimè. Ignis enim Domini fuit iste magnus eius seruus: siquidem ignem verbis suis, ignem suis operibus, & ignem tota vita sua in alijs accendebat. Bene itaque ei aptantur verba, quæ de altero illo Iosia sunt dicta, & quidem nominatim hodierna die in hac exequiarum, quas hodie persoluimus, solennitate: id autem est in hac concione à nobis ostendendum, & ad id tanquam ad propositum scopum illa dirigenda. Ad quod tamen præstandum diuinâ gratiâ nobis opus

opus est, pro qua impetranda recurramus pro more ad Virginem sacratissimam, cui felix hic vir fuit p̄ijſimē addictus, & per quam singulares gratias, & fauores ab ipso Domino accepit. Ave Maria, &c.

### INTRODUCTIO.

**M**EMORIA IOSTIAE, &c. stupendum est strictum illud' vinculum vnionis & amoris, colligatio illa & amicitia, quam Deus in omnibus creaturis aliquam similitudinem, conformitatem, ac mutuam aliarum ab alijs dependentiam habentibus posuit; admirandus quoque ille quasi naturalis affectus, quem omnes habent, vt sint simul, nec aliae ab alijs separentur: Ad cuius rei probationem omittamus creaturellas, quae sensu carent; imò & eas, quae sensu quidem vtuntur, sed sunt irrationales: & loquamur solum de ijs, quae ratione ducuntur, in quibus id quod diximus, eminenter appetet: nisi deprauata voluntas id impedit. Nam quemadmodum Ratio iuuat ad similitudinem, conformitatem, ac mutuam aliarum ab alijs dependentiam cognoscendam: ita etiam conduit plurimum ad hanc vniōnem conseruandam. Hinc affectus ille naturalis adeò vehemens oritur, quo filius cupit esse apud suum parentem, & parens apud filium; frater apud fratrem; amicus apud amicum; & conterranei cum suis conterraneis; fidelis seruus cum suo hero, & subditus cum humano & clemente suo Domino; ac denique quinque maiorem inter se habent conuenientiam, & aliorum ab alijs subordinationem: & eo usque affectus

affectus huius vis peruenit, vt cum tales non possumus apud nos superstites habere; optemus simul nobiscum aut propè nos etiam mortuos habere, quos dileximus, eorumque ossibus quasi adhærere; demusque operam, vt etiam in ipsa morte conueniant, & simul sint in vna Ecclesia, in vna Capella, imo in vno sepulchro; ita vt amor hic, & naturalis affectus videatur, cum ipsa morte contendere, & par illi esse, ita interpretans illud

a Cant. 8.6. Canticorum: a fortis est vt mors dilectio, duravit infernus emulatio; & per verbum inferni sepulchrum intelligens. quasi dicat: non est mors potens, nec ipsum sepulchrum ad amorem hunc, & affectum naturalem eorum, qui se in vita dilexerunt, impediendum: nam etiam in ipsa morte, & sepulchro volunt eorum ossa simul conuenire. Quoties nec sine mysterio (ad naturalem hunc affectum cordibus hominum ab ipsa natura innatum ostendendum) repetunt diuinæ scripturæ in libris Regum & Paralipomenon desiderium, quo Reges Iudeæ tenebantur, vt in sepulchris Patrum suorum sepelirentur; & ita fieri post mortem illorum consuevitse, dicitur enim: *sepultus est in civitate David cum Patribus suis, & sepelientur eum in sepulchro Patrum suorum:* & in eisdem libris contrà scribitur de aliquibus, quod non fuerint sepulti cum Patribus suis, nec ossa cum ossibus coniuncta, in poenam & quidem magnam: vt

1. Paral. 21. evenit Ioram, & Ioas, & temerario illo Ozia.  
24. O<sup>r</sup> 26. Hunc naturalem affectum insinuat sanctus Augustinus, cum ait, matrem suam S. Monicam desiderium ingens habuisse moriendi in Africa, vt posset in sepulchro viri sui sepeliri: quamuis aduentus,

Lib. 1. Confess. 6.9.

tens, Dei voluntatem esse ut ad ostia Tiberina moreretur, sanctae eius voluntati libenter acquieuit. Mille possemus huius rei exempla ex omni antiquitate adducere: sed satis sit dicere: adeò affectum hunc in hominibus vixisse, vt Cicero in eleganti illa Oratione, quam habuit pro Sexto Roscio Amerino, ut miseriam eius extolleret, in quam aduersarij eum coniecerant, non habuerit efficaciorem rationem, quam ut diceret: *cui de tanto patrimonio, ne iter quidem ad sepulchrum Patrum relictum est: Ut scilicet illud vide-*  
*ret: quasi dixerit: adeò cupiunt homines sepulchra Patrum suorum propè se Habere, & posse ad illa ire, & sèpius intuisere, ut non potuerit magis exaggerari miseria, in quam Roscium eius hostes coniecerant, quam dicendo, quod accessum im-*  
*pedierint ad sepulchrum illud. In ipsis etiam*  
*sacris literis duo huius rei habemus exempla singularia: alterum est sanctæ illius mulieris Ruth,*  
*quæ cum amore & affectu erga Soctum suam Noemi etiam si alienigenam in naturalem iam convertisset, cupiens nec viuam nec mortuam ab illa separari ei dixit: b Ruth 1.16;*  
*& vbi morata fueris, & ego pariter morabor:*  
*que te terra morientem suscepitur, in ea moriar, ibique locum accipiam sepulturæ. Alterum est magni illius Patriarchæ Iacob, (vt proprius iam ad nostrum propositum accedamus) qui, cùm iam esset propè mortem & in terra aliena, cupiens ossa sua cum suorum parentum ossibus coniungi, mandauit valde serio filijs suis, ut corpus suum transferrent in terram Chanaam, vbi Patet eius Isaac; c Genef. 49:*  
*& Auus Abraham sepulti erant: c Sepelite, in-*  
*Rr quit;*



quit, me cum Patribus meis in spelunca duplice, quæ  
est in agro Ephron Hetæ. In qua re duæ fuerunt  
circumstantiæ, quæ satis ostenderunt naturalem  
hunc affectum, de quo agimus. Prima fuit ipsum  
desiderium & præceptum patris; secunda, cura &  
amor boni eius filij Ioseph, qui præcipue negoti-  
tium illud in se receperat; & non solum tanquam  
filius obediens, & cupiens exequi mandatum Pa-  
tris, corpus eius curauit in terram Chanaam de-  
ferri; sed etiam affectu ipso naturali, de quo lo-  
quimur, ductus: nam cupiens & ipse in patria sua

*Gen. 50. 24.* sepeliri (quod in suo testameto constituit, & post  
*Exod. 13. 19.* ea Moyses impleuit) noluit ossa sua separari ab  
ossibus sui parentis. Quare statim corpus eius ad

Auorum suorum sepulchrum detulit, ut omnia  
ibi simul essent. Et licet ipsius Ioseph ossa postea  
reposuerint in parte illa terræ promissionis, quæ

*Iosu. 34. 32.* vocabatur Sichem, (ob reuerentiam fortè sepul-  
chri trium illorum sanctorum Patriarcharum)  
non tamen illud reposuerunt procul ab illo, vt  
affectum illum ac desiderium naturale, de quo  
agimus explerent.

TOTVS hic discursus est effigies quædam val-  
de ad rem eius causæ, quæ nos hodierna die ad  
hanc Ecclesiam conuocauit, vt ossa Patris Bal-  
thassaris Aluarij, loculo illo inclusa, videremus;  
quæ ex Provincia Toletana ad Castellanam alla-  
cata sunt, & in hoc Villa-gartiensi Collegio col-  
locata, est enim hoc opus ortum ex affectuillo &  
parentibus, tam in vita quam post mortem; &  
imitatio quædam valde ad viuum eius, quod fe-  
cit Ioseph cum corpore Patris sui Iacob: quam-  
vis



uis enim ibi adfuerit parentis morientis manda-  
tum, hic autem non: adfuit tamen amor & cura  
fidelis ac beneuoli filij, qui ad imitationem Io-  
seph id fuerit exsequutus. Nec dubito, magno so-  
solatio dilecto huic Patri nostro futurum fuisse,  
vt in hac Prouincia ultimum suum diem obiret;  
suaque ossa simul essent cum ossibus Patrum, ac  
fratrum, totque filiorum suorum: sed existimauit  
forte, etiam in Prouincia Toletana se inter eos-  
dem vitam suam finire: non solum, quod Societa-  
tem ingressus fuerit in præcipua eius parte, Vni-  
uersitate scilicet complutensi; & per aliquot an-  
nos ibidem vixerit; & quod tempore mortis suæ  
esset totius Prouinciae Præpositus, & Pater: sed,  
quod etiam simul sciret singularem charitatis, &  
vnionis spiritum, quo Deus vult coniunctos &  
colligatos esse omnes, quicunque sunt in Socie-  
tate, cuiuscunque nationis sint, & in quacunque  
mundi parte conueniant; & in viginti tribus pro-  
uincijs, quas hodie habet Societas, distributas fe-  
re in omnes terræ regiones, omnes qui in ea sunt  
habere cor unum, & animam unam: propter has,  
inquam, rationes, crediderim, illum nec dixisse,  
nec petuisse, vt ossa sua in hanc Prouinciam de-  
ferrentur: sed quamvis haec non adfuerint, non  
tamen defuit amor ac desiderium Ioseph filij di-  
lecti, huius, inquam, Prouinciae, & nominatim  
huius Collegij, filij ipsius valde dilecti, quod cu-  
pidum habendi apud se dilecti sui patris ossa, ea  
petiit, & obtinuit per piam suam matrem, Do-  
nam, ac Fundatricem D. Magdalenam Vlloiam,  
& nunc simul sunt, vt videtis in illo oculo: vt in-  
ter plurima & insignia opera ac beneficia, (ob

Rr 2

quæ



quæ tota Societas, & peculiariter hęc Prouincia,  
& in ea maxime hoc Collegium eidem sumus ob-  
stricti, vt eius memoria in cordibus nostris peren-  
netur) non sit hoc minimum; sed valde singulare:  
quod curauerit fœlicissima ista ossa huc adferri,  
vt Collegium hoc tanti voti ac desiderij sui com-  
pos euaserit. Cuius desiderij causa non tantum  
fuit naturalis ille affectus, etiam si adeò ille sit ve-  
hemens, qualem diximus esse vniōnis, aliarum re-  
rum cum alijs, præcipue quam filij cum parenti-  
bus habere desiderant; sed alia quoque excelsior  
ratio de cælo allata: vt hac ratione, recentiorem  
conseruantes memoriam talis Patris, imitemur  
rara virtutum eius exempla. Magna quidem fuit  
memoria, quam tota hęc Prouincia, & maximè  
hoc Collegium habuit semper de benedicto hoc  
Patre suo; & magnum solatium, quoties eius ab-  
fentis recordabatur. Hoc testata sunt corda, lin-  
guæ, & colloquia omnium, qui illum nouerunt;  
hoc muri eius Ecclesiæ, ipsius tempore erecti cùm  
Rector esset, & Tyronum Magister; hoc cubicu-  
la & pergulæ, sive transitus huius Collegij, in quo  
suauissimus sanctitatis eius odor remansit; hoc  
huius Oppidi plateæ, per quas transiit aliquo-  
ties, & vestigium virtutum suarum reliquit. Sed  
ab hodierno die in posterum solatium hoc erit  
magis commune omnibus eius filijs, huic Colle-  
gio, ipsi Oppido, totiisque Prouinciae: siquidem il-  
lum præsentem iam habent, eiusque ossibus fru-  
untur, quæ tanquam fragrantissimi balsami vase  
suauissimum odorem exhalant, eiusque memo-  
riam cum tam propè sint, efficacius renouant.  
Quamobrem magni huius serui Dei memores iu-  
re opti-

PVNCTVM I.

**V**T autem hoc distinctius & in particulari magis declaretur obseruandura est: tribus modis excitari posse in nobis rei alicuius memoriam: aut sola imaginatione interna ab alijs internis speciebus, quas in se habet, excitata: quæ ad talis rei memoriam eam deducunt, eiusque speciem & figuram repræsentant; aut sermone & colloquio de eadem re, cuius memoriam ipsum colloquium sensim reddit viuaciorem; aut denique tertio ex auditu eorum, quæ alij loquuntur, & agunt de eadem re: tunc enim auditus tantum sufficit, ut interius rei memoria excitetur. Nunc igitur dico, omnibus his tribus modis dicere nobis prædicta verba, etiam si metaphorica, qualis esset memoria, quæ in populo hebræo de pio illo Rege Iosia haberetur: ac proinde eisdem significari, quam de bono P. Balthassare Aluario habere debeamus.

AD explicandum primum, hoc est, quâ ratione memoria debeat internè ab imaginatione excitari, usus est Sapiens aptissima metaphora, cùm dixit: *memoria Iosiae in compositione odoris facta opus pigmentarij*, &c. quasi diceret, eum in modum, quo excellens ac compositionum & fragrantium mixturarum conficiendarum peritissemus quispiam res varias miscet, muscum, balsamum, succinum, storacem, & similia, ex quibus globum componit fragrantissimi odoris: ita memoria sancti huius Regis esse debet, sicut ipsa imaginatio, quæ in se conseruat species alicuius

Rr 3

Dei

Dei serui, eiusque virtutum, quæ imaginatio, quasi prima Magistra in huiusmodi mixturis, & specierum compositionibus conficiendis, coniungeret species aromaticas omnium virtutum ipsius Iosiaz, & globum componeret suauissimi odoris ex eis omnibus, quibus odoratui suo valde indulgeret eoque frueretur vnuſquisque filiorum eius populi, de eisdem cogitans & memor eius, qui illis erat exornatus. Hoc igitur imaginatio nostra imposterum faciet diligentissime, vt bene infixas habeat aromaticas excellentium virtutum species magni huius Dei serui; easque coniungens, compositionem conficiat, siue mixturam & globum ut suaui suo odore semper memoriā ipsam excitent. Iussit Deus Moysen ponere in tabernaculo inter alias res altare ex in corruptibili cedri ligno, laminis aureis cooperato, quod appellabat altare thymiamatis: quia in eo offerebatur mixtura & compositio rerum suave fragrantium, quod ita ex verbo græco <sup>θυμη</sup> deducitur, quod significat suffire, siue afflare orem, cum accendebatur: in illo enim altari accendebatur compositio illa rerum suaueolentium, & ascendebat ad Deum quia suauissimus ille odor ingrediebatur Sancta-Sanctorum. Et Iosephus ait mixturam & compositionem illam fieri solitam ex tredecim rerum odoriferarum speciebus, ex varijs mundi partibus allatis. Ita igitur in altari memoriae nostræ faciat phantasia nostra mixturam & compositionem virtutum omnium, quæ in hoc Dei seruo eluxerunt, in diversis locis, in quibus fuit: quas ostendit in Provincia Castilliaz, in qua fuit Rector Metinensis, Salma-

*Exod. 30.  
Lib. 6. de  
bello Iudai-  
co cap. 6.*

Salmaticensis, & Villa-gartiensis; & Vice-Prouincialis; quas ostendit in Italia & Romæ missus Procurator huius Prouinciæ; quas ostendit in Aragonia, cum esset eius Prouinciæ Visitator; ac denique quas Toleti, cum illic esset Prouincialis. Et ut omnia cohærent, coniungat etiam in particulari, faciatque compositionem tredecim illarum virtutum, quæ præ alijs omnibus in eo splenduerunt.

ET *in primis* charitatem & amorem Dei ac proximi, quem habuit vehementer inflammatum: nam in amore Dei videbatur quodammodo consumi, & exhalari: adeò enim erat in actibus amoris eius occupatus, ut semper & continuè accensam haberet fornacem amoris Dei in pectore suo: nam in quacunque occasione, & quocunque tempore quis ad eum accederet, emittebat ex se hujusmodi amorem Dei: amor proximi in eo tantus erat, ut nullus non inueniret in eo viscera amoris plenissima in omni tempore & in omni occasione, quam nam curam ægrotantium? quod nam solarium desolatorum ac tentatorum aliquando etiam ægrotusex lecto surrexit, periculo exponens vitam suam; ut rogatus accederet ad alium ægrotum consolandum, consiliumque præbendum: item veniente quodam fratre tentato & afflito media nocte ad ipsius cubiculum, surrexit Pater & iussit sibi assidere & consolatum, quietum, & pacatum ad proprium cubiculum dimisit.

*CONIVNGAT* & secundam speciem aromaticam profundissimam scilicet eius humilitatem: qui cùm magni fieret ab omnibus, qui illum no-

Rr 4

uerant

uerant & cum illo agebant, magnis & paruis tanta eius erat humilitas, vt coram patribus senioribus & suis superioribus esset quasi aliquis infans, quanta humilitate audiebat loquentes de aliquo argumento spirituali, etiam proprios discipulos? & cum quanta ipse quædam interrogabat in materia literaria, quasi ipse non studuisse denique nullum in eo iudicium propriæ estimationis apparebat; sed magnæ gratitudinis ob accepta de manu Domini beneficia: quare cum in Sacro licebat orationem aliquam dicere ad libitum Sacerdotis, ipse ordinariè illam dicebat, quam Ecclesia assignat pro gratiarum actione: *Deus cuius misericordia non est numerus, &c.* Sic enim ostendebat, se in ea oratione magnum inuenire solatum.

TER TIA species aromatica fuit rara eius Obedientia, cuius plurima possemus exempla referre, sed illud sufficiat, quod, vt absque replica superiori suo obediret, non dubitauit honorem & nomen suum conculcare, agendo cum grauissimis quibusdam personis. maluit enim per omnes difficultates irrumperem, quam suæ Obedientiæ defesse: cum tamen esset quædam grauis, aut etiam maxima omnium mortificationum, quas in sua vita obijsset.

QVARTA fuit celissima eius oratio, in qua Deo donante adeò est progressus, vt integra conacione, imò pluribus opus esset, ad agendum de ea. Sufficiat nunc, quod ipse ex Obedientia scripti cuidam suo superiori, iubenti, mitti sibi breuem summam viæ & rationis, quâ Deus ipsum deduxisset, ac etiam tunc duceret in oratione. Inter alia



alia autem, quæ in ea summa refert, ait: quod transactis sexdecim annis, postquam esset Societatem ingressus, inuenisset cor suum ex tempore mutatum; & mutationem fuisse talem, quæ postea perdurauerit tota vita: Ex quo orta est interior illa Dei D. N. præsentia adeò continua ac beneuola; fenestra illa cælestis aperta; ad quam ille statim atque vigilaret se collocabat, in qua hærebat, nullis diei occupationibus aspectum illum impedire valentibus. Quoties non solum cum in suo cubiculo, aut recessu esset; sed etiam in medijs plateis & populitumultu vocabatur ipse internè; & corporis oculis clausis, aperiebat animæ; eratque in altissima contemplatione? Quoties inter ambulandum adeò erat in Oratione absorptus, ut etiam transiens per pagos & oppida, id non aduerteret, sicut sanctus Bernardus diu ambulans propè quendam lacum? Denique per excellentiam fuit vir orationis, in qua ingens à Deo donum accepit.

QVINCA fuit continua interior & exterior passionum ac sensuum suorum mortificatio. Statim in eius actionibus aduertebatur, quām sibi præsens esset, & quale illud fuerit interius martyrum propriarum voluntatum, quod Deus solus videbat! Exteriora stuporem omnibus adferabant: nam ordinariè semel tantum cibum in die sumebat, parum vesperi, aut nihil: & cibus ipse nihil habebat singulare, sed planè ordinarius, & totius communitatris: cui conatus est seruus hic Dei semper eminenter se accommodare, nec aliquid singulare habere. Somnus erat modicus, & non continuatus; disciplinae prolixæ, & adeò ve-

Rr 5 hemen-

hementes, ut quasi tremere ficeret latus illud domesticum, in quo illas faciebat; & quidem in toto corpore, ut vehementius doleret. Denique ut vir erat orationis, ita fuit mortificationis: sunt enim haec duæ virtutes singulariter quasi duæ inseparabiles sorores: & ita continuè in ore habebat; quod religio esset schola mortificationis; & quod veniremus ad eam, ut scientiam disceremus faciendi crucifixos.

**S E X T A** fuit eius puritas & castitas, quæ tanta erat, ut ex solo eius aspectu; compositione oculorum; vultu; modestia, & motibus eius viderentur excitari huius virtutis desideria. Fuit in ea valde excellens: & aliquando accidit ei, ut tota omnino nocte nihil dormiret, positus in oratione, ut attentus esset, beneque præparatus ob quandam vehementem valde tentationem, quæ in hoc genere occurrit.

**S E P T I M A** fuit extrema eius paupertas. Quam pauca curiosa in eius cubiculo sunt inuenta? quam pauca in vestibus mundus quidem, & bene compositus: sed pauper. Rarissime vestem aliquam nouam induit; sed ordinariè, qua prius alij usi fuissent. Si quod Breuiarium, aut Diurnale pulchrum & elegans ipsi dabatur: statim alteri illud tradebat, præferens in omnibus quod vilius & abiectius esset.

**O C T A V A** fuit insignis eius patientia, & tolerantia: crumnas & pressuras magnas habuit exteriores & interiores, easque plurimas in virtute decursu: in quibus omnibus vultus eius fuit semper Serenus, absque querelis & murmurationibus: loco insignis beneficij & gratiarum valde fin-

gula-



gularis accipiens, quod innocens aliquid patetur. Ordinariè debili vrebatur valetudine, nec tamen aut querebatur, aut cupedias perebat; sed ita dissimulabat, atque si integrâ vteretur. Præcipue verò dum ægrotabat hanc virtutem singulariter ostendebat: eratque res stupenda, videre illum amarissima pharmaca sumentem, quorum nec guttam in poculo relinquebat, & ultimas guttas diu exspectabat, ut nulla in eo remaneret. Dicebat ipse valde se prodere perfectionem inferendis patienter aliorum ingenij & moribus, & ipse valde studebat in hoc eminere.

NONA fuit magna animi fortitudo ad egestatem pro gloria & seruitio Dei facinora aggredienda. Constituit ordinem in Probationibus huius Provinciae cum tanta disciplinæ obseruatione, ut omnes mirarentur, quod homo in specie externa non seuerus, nec præ se ferens morositatem, auderet possetque adeò intra limites continerere in probatione ac tyrocinio Metinensi homines iam formatos, Collegiales Salmaticenses, Professores, Doctores, & viros valde illustres, in magnis delitijs in sæculo educatos; ita ut omnes in eius conspectu tremerent, tacerent, subiecti essent; adeoque prompti & parati, ut, cum maximè illos premeret, non scirent aliud quid facerent, quam ut ipsum venerarentur. Accidit semel, ut secularis quidam esset in Collegio Metinensi tanquam hospes, & nescio quomodo gladium in suum cubiculum intulerat, qui incidens in quoddam delirium, surrexit media nocte, & ex cubiculo exiens nudo gladio parietes hinc inde percuceret; & ingressus ipsius P. Balthassaris cubiculum,

lum, cœpit etiam à dextris & à sinistris temerè percutere: Pater hoc aduertens, clamauit, ut quiesceret: statim enim intellexit quid haberet. Surrexit ergo, & furiosus homo ad vocem eius cessauit: Pater illum per brachium accepit, fecitque sibi in scaanno assidere, & paucis rationibus dictis, eum dimisit quietum & pacatum ad suum cubiculum.

**D B C I M A** fuit insignis in Deum ac diuinam eius Prudentiam fiducia cum qua valde eos consolabatur, quibuscum agebat; eosque ad calamitatum tolerantiam animabat. Satis notus est casus ille, qui redeunti ex Provincia Aragonia uno die itineris ante ciuitatem Burgensem ei accedit, cum nocte quædam ipse & socij eius in magnis versarentur periculis ob occurrentem multitudinem aquarum; nec scientes, quam viam tutò tenerent: repente enim venit ad ipsos iuuenis quidam in albo equo, & rectâ duxit Burgos usque: scitur etiam Patrem ferè toto illo itinere cum illo iuvene seorsim collocutum, donec peruererunt ad nostræ domus Burgensis portam, unde iuuenis ille omnino disparuit, ut nunquam sciuerint quis esset. Admiranda fuit huius Patris in eo casu fiducia, omnes enim suos comites ad benè sperandum animabat, donec euenit quod diximus: & iudicatum fuit, iuuenem illum fuisse Angelum aliquem à Deo missum, ut illos duceret; aut sanctum illum fratrem Ioannem Ximenum qui paulò ante obierat.

**V A D C I M A** fuit indefessa eius perseverantia in omnibus actionibus virtutum, quanta illa fuit eius constantia, cum per sexdecim annos

(quem-



(quemadmodum ipse in relatione sua dixit, quam ex obedientia fecit) dicat, se semper laborasse, quasi terram arantem, nec fructum colligentem. & eodem tempore maiorem adferebat stuporem eius perseverantia in Oratione, disciplinis, ieiunijs, vigilijs, & in omni genere mortificationis. Viginti quinque annis fuit in Societate, nec tamen occupationes, officia, aut profectiones impedimento illi fuerunt, quo minus in cœptis virtutum operibus progrederetur; sed pergeret pertinaciter; & ita constanter, ut admirationem adferret. Quamuis ad profectionem aliquam necesse esset, summo mane etiam hora prima post mediam noctem, se accingere, ita ipse tempus præueniebat, ut integrum suam ordinariam orationis horam semper prämitteret; & propterea solatum hoc ex profectionibus accipiebat, quod in eis tota die posset Orationi vacare.

DECIMA fuit insignis adeò renuntatio, & quasi auulso cordis sui ab omnibus creaturis, etiam si cum omni hominum genere versatur, magnique ab omnibus fieret. Dicebat ipse, ea ratione cupere se cum proximis agere, eos iuare, & ad Deum deducere; vt id non impidiret internam suam recollectionem; nec magis cordi suo adhærerent, quam si in Africæ aut AEGypti desertis habitaret: ideoque singulatus omnes arietias horrebat.

DENIQU accedat decimatertia species aromaticæ, singularis scilicet Prudentia, & magistrum à Deo sibi datum, ad agendum cum animabus tam religiosis, siue Societatis, siue aliarum religionum; quam sacerularibus cuiusvis generis &

statu,

statūs. Fuit hoc Dei donum in P. Balthassare ad eū excellens, ut etiam viri antiqui, graues, valdeque religiosi huius Provinciæ optarent in eodem cum ipso Collegio habitare: & ita, qui poterant recurrebant ad ipsum, tanquam discipuli, ut à tali magistro instruerentur. Res erat magna admiratio[n]e digna, quomodo ipse iuxta personarum, temporum, & euentuum qualitatem, & varietatem, rigorem coniungeret cum clementia; seueritatem cum affabilitate; grauitatem cum latitudo[n]e; & oportunitate annuere nosset, ac renuere. Fuit denique Magistrorum Magister, qui singulariter excitauit in hac Provincia, & stimulauit nostros homines ad familiaritatem cum Deo in Oratione habendam; & in proxim deduxit recollectiō[n]em nostrorum ad antiqua Societatis Exercitia per octo saltem, aut quindecim dies, singulis annis peragenda.

HAB sunt tredecim suave-olentes virtutum species, quæ singulariter in admirando hoc viro splendeabant: quas phantasia nostra coniungere debet, ut compositionem & thymiana suaua frangrans conficiat; illudque desiderio accendant, has virtutes imitandi: ut sic Deo illud offerat, peccatumque sibi concedi: quare non sifat in sensuia memoria, sed transeat ad intelligentem, incorruptibilem facultatem immortalis animæ nostræ, in qua tanquam in altari se collocet, aureisque laminis tegat. Hoc est ut anima ipsa in gratia sit, & amore Dei, ut haec oblatio ei placeat non solum, quod compositio ex huiusmodi virtutibus sit confecta; sed etiam quod in tali altari offrantur. Hunc igitur in modum excitanda est, &

con-

OSSIVM P. BALTHASS. ALVAREZ. 639  
conseruanda primūm magni huius Dei serui me-  
maria.

PVNCTVM II.

DEBB secundò hæc memoria excitari à lingua & verbis, quibus de eo, quem memoria retinere volumus, sermonem habemus: *In omni*, inquit, *ore quasi mel dulcabitur eius memoria*: quasi dixerit: quemadmodum mel sapit, estque gustatui non deprauato dulcissimum: ita colloqui de viro iusto, eiusque virtutibus reddere debet eius memoriam dulcissimam. & re ipsa experientia hoc docuit, postquam seruus hic Dei mortuus est. nam omnibus, qui illum nouerunt, & cum eo egerunt, cùm sermo de illo incidit, memoriam adeò dulcem, suauem, & utilem in eis renouauit: ut efficacia excitauerit desideria magis seriò seruendi Deo, eiique placendi; & euadendi in viros orationis & mortificationis; ac procurandi, ut Deus adoretur, agnoscatur, eiique seruatur: quemadmodum ipse Pater, cum eisdem agens, efficere conabatur: idque adeò seriò, ut quamuis de illo tanquam iam defuncto colloquium non potuerit non adferre colloquentibus sensum ac dolorem magnum: memoria tamen eius affectum prædictum dulcem & utilem effecit, & in posterum adhuc efficiet amplius. Cùm David loqueretur de Ionatha, magno amico suo: verbis & rationibus, quas adferebat, memoriam suam excitabat: quem cùm mortuum intellexit, magnum ei sensum, desolationem, & lacrymas adferebat, dicebatque: d<sup>r</sup>oleo super te, d<sup>r</sup> Reg. I.  
frater mi<sup>r</sup> Ionatha, decore nimis, & amabilis super 26.

amo-



UNIVERSITÄTS-  
BIBLIOTHEK  
PADERBORN

amorem mulierum: sicut mater vnicum amat filium suum, ita ego te diligebam. simul verò eadem memoria dilecti amici sui, dulcedinem & suauitatem ipsi adferebat, recordanti insignium eius virtutum, & optanti eas imitari; & ita dicebat: sagitta Ionathæ nunquam rediit retrorsum, &c. Et quod ad rem nostram spectat, meritò memoria nostra efficiet, vt ita de bono P. Balthassare Aluario sentiamus: cui etiam ipsum Ionathæ nomen, eiusque gesta aptè conueniunt. Nomen quidem: quia Ionathas hebraicè nobis significat Dei datum, Dei donum. Quia verè fuit vir iste donum Dei, & à Deo datum in remedium, instructionem, & solatium multorum; à Deo datum in magnum huius Provinciæ bonum. eiusdem quoque Ionathæ egregia facinora ei conueniunt: si enim meministis, Ionathas fuit ille, qui Philistæorum agmini imperterritum ostendens vulnus, & volens eos ex confinibus terræ illius Dei repellere, cùm reliqui exercitus Israel sine cura requiescerent, exiit ipse cum solo suo armis Reg 4.13. gero, e manibus ac pedibus reptans ascendit ad hostes suos per prærupta, petrarum, & ita eos invaserit vt omnes disturbaret: ita igitur magnus hic Dei seruus quoties in campum exiit, vt cum demonibus pugnaret, vt quos sibi commissos à Deo habebat defenderet, ne hostes illis nocerent: quot difficultatibus & laboribus in hac causa se exposuit: cùm illi, quorum curam ipse gerebat, sine cura & solicitudine requiescerent, hoc faciebat, cùm multò post alios cubitum se conferret; citius verò quam illi surgeret, vt Orationem suam haberet, se ipsum verberaret, & hac ratio:



ratione pro illis pugnaret. Media ipsa nocte sæpius surgebat, ut hos iniret conflictus, cum alij profundo somno tenerentur: ne, quid ipse faceret, aduerteretur: licet tales eius erant cœtus, ut etiam dormientes excitaret, sicut ictus Ionathæ, & pugna, quam fuit aggressus, excitauit proprium exercitum dormitantem & requiescentem. Aptè igitur ei competit facta ipsa Ionathæ, ac propterea etiam ad rem nostram pertinet; ut dolentes, quod viuentem Patrem nostrum amiserimus: dicamus cum Davide: doleo super te, frater mi Ionathæ: sed simul solatium nobis & iucunditatem adfrat memoria eius virtutum, excitetque eas imitandi desiderium, dicentibus: sagitta Ionathæ nunquam rediit retrorsum, quam enim sagittam P. Balthassar est iaculatus, quæ retrorsum rediret? sagitte erant eius verba, & quidem sagitte acutæ, quæ corda traijciebant. Interrogate omnes, qui cum illo agebant, & præcipue illustres Dominos & magnates, in quibus talis effectus ob eorum grauitatem, & reuerentiam, qua cum illis est agendum, erat difficilior: est autem res mira quod si vel semel cum illis Pater loqueretur, sentiebant se mutatos, & coram paupere Religioso pendebant ab ore eius tanquam infantes. Quid quæso erat exhortationes eius & conferentias spirituales audire? immitebant sanè ignem; & acutarum sagittarum instar videbantur ad intimæ cordis penetrare. Accidit ei aliquando, ut ingressus ad cuiusdam monasterij religiosos, breui tempore cum illis agens, ita omnes permutaret, ut serio desiderarent Deo se toros dedere, Exercitia facere, & ipsum per duodecim dies apud se retinere,

sf

nere,



nere, ut ea illis traderet. Et hac ratione tantam  
opinionem & estimationem virtutis sue ac do-  
norum à Deo acceptorum apud omnes, qui illum  
nouerant omnis generis personas, obtinuerat: ut  
stuporem adferret. Prælati eum venerabantur: &  
inter eos præclarus ille & excellens vir D. Fran-  
ciscus Blancus apud S. Iacobum Archiepiscoput,  
qui quam de P. Balthassare opinionem & estima-  
tionem haberet, & verbis & operibus ostendit:  
& nunc etiam superstites sunt. D. Christophorus  
Vela Archiepiscopus Burgensis, D. Teutonius  
Bergantius Archiepiscopus Eborensis, D. Santius  
Abulensis, Episcopus Cartagenæ: qui omnes sen-  
sum & opinionem suam de P. Balthassare mani-  
festè aperuerunt. Magnates & personæ illustres  
eundem Patrem reuerebantur, dixisset hoc aperte  
Illustrissima illa Domina Christianarum Domi-  
narum exemplar, Ducissa de Trias mater Come-  
stabilis Castilliæ, adhuc hodie superstitis, quæ  
ranta reuerentia P. Balthassarem Aluarium pro-  
sequebatur, ut in suis ad eum literis hanc poneret  
superscriptionem: Domino meo & Patri Magi-  
stro P. Balthassari Aluario Patri meo. Idem dixi-  
set Dux Gandiæ, paulò ante defunctus, qui ad ex-  
hortationes & conferentias P. Balthassaris tan-  
quam Noxius aliquis accedebat; diceret etiam  
hoc D. Magdalena Vloia, siquidem veneratio,  
quam erga hunc Dei seruum semper habuit, adeo  
viua in ipsa hactenus permansit, ut propterea in  
animum induxit, curare eius ossa ad hoc suum  
collegium deferri. Idem etiam diceret aliquis,  
qui propè est ipsi Regiæ Maiestati, & multi alij,  
quos longum esset referre. Personæ ræræ virtutis &

ris & sanctitatis, quæ eiusdem Patris tempore in Hispania floruerunt, hanc etiam de P. Balthassare opinionem & existimationem habuerunt. Admirandus ille vir in Betica P. Magister Auila, licet P. Balthassarem nunquam vidisset, quod tamen per literas murias se noscerent, optimè de eo eiusque virtute sentiebat. Sancta illa mater Maria Diatia Abulensis, quæ raro cum exaggeratione loquebatur; cum de donis cœlestibus P. Balthassari à Deo communicatis, deque excellenti eius virtute sermonem faciebat, non poterat absque magna exaggeratione de eis loqui. Et illustris illa adeoque iure optimo celebris mulier, quam Deus tanquam instrumentum adhibuit ad duplicem recollectionem virorum scilicet & mulierum instituendam, sancta, inquam, Mater Theressa de Iesu cum tanta exaggeratione loquebatur de P. Balthassare Aluario, ut audientibus stuporem adferret. Cuidam suæ Religiosæ, ipsam interroganti Salmanticæ, an existimaret ipse expedire, agere cum P. Balthassare, tunc ibi existente; respondit illa: magni beneficij loco à Deo accipere deberes, quod tibi licet cum eo agere: est enim is, cui anima mea plurimum in hac vita debet, & qui me maximè adiuit ad perfectionem. Viuit adhuc Salmanticæ Mater Anna de Iesu, quæ Monasterij illius fuit Priorissa, quæ testatur, se à Matre Theressa de Iesu audiuisse, quod existimat, P. Balthassarem Aluarium esse in altiori gradu, quam tunc esset yllus homo in terra, &c.

PATRES Generales Societatis, qui eum nouerunt boni sunt testes estimationis ac venerationis, qua illum prosequebantur. Pater noster Fráscus

Borgius rari ipsius talenti ac Magisterij conscius,  
cupiebat eum Romæ manere, vt illius Tyrocinij  
ductor esset ac Magister: sed, ne hanc Castella-  
nam Prouinciam contristaret, illum ei restituit:  
sed constituit tamen, vt per sex menses maneret  
in Tyrocinio Metinensi, & sex alios in Villa-gar-  
tiensi: vt vtrunque rectè institueret. Pater noster  
Euerhardus conituens illum Toletanæ Prouin-  
ciæ Præpositum dixit P. Alfonso Montoio, il-  
lius Prouinciaæ Procuratori hæc verba: optimum,  
quod pro vestra Prouincia habeo do, cùm P. Bal-  
thassarem Aluarium vobis alsigno. Longum deni-  
que esset referre, quanti omnes illum facerent,  
quòd si huius rei causam quæras, illa præcipue  
fuit, Magisterium illud à Deo ipsi communica-  
tum, ob verborum vim & efficacitatem: cum  
enim ipse adeò excelsè, quæ dicebat, in se ipso  
sentiret: quadam quasi violentia quodcumque di-  
cebat, auditorum cordibus infigebatur. Beneigi-  
tur illi competunt nomen & gesta Ionathæ; &  
quod noster de illo sermo dulcem in nobis reno-  
uet memoriam. Nec minus illi competit Illustris  
illius Dicis Abner memoria, principis Exerci-  
tuum Israel, quam ipsemet Rex David alijs ver-  
bis tum doloris teneris, tum prædulcibus, ac iu-  
cundis excitabat ac renouabat. Tenera verba ac  
dolorem adferentia erant, quòd conuersus ad  
plebem diceret: f Scindite vestimenta vestra; &  
accingimini saccis, & plangite ante exequias Ab-  
ner. An ignoratis quoniam Princeps & maximus  
cecidit hodie in Israel? &c. quæ verba verè erant  
excitantia memoriam quandam tristem ac do-  
lentem, quam de morte Abner Rextunc haberet,

f 2. Reg 3.  
31.38.



sed neque oblitus est aliorum, quæ solatium ac iucunditatem adferunt: quare memor fortitudinis ac robusti eius pectoris accèdens ad eius tumulum dixit: *nequaquam ut mori solent ignauī, mortuus est Abner: manus tuæ ligatae non sunt, & pedes tui non sunt compedibus agrauati*, &c. Hanc igitur memoriam dico non minus aptè, quām præcedentem piè nostro defuncto competere. Primum, quòd ei aptè conueniat nomen *Abner*, quod hebraicè significat *Patris lucernam*, magni inquam illius cæli Domini. Fuit enim P. Balthassar Aluarez verè lucerna, quam in Religionis Societatis Iesu candelabro positam voluit Deus prælucere, in magnum plurimorum bonum, &c. benè illi conuenit, quòd magna fuerit, & nunc sit causa, iacturam hanc & mortem eius deflendi, eò quòd in eo amiserimus præcipuum nostræ Religionis virum: non solum, quòd talis fuerit in munij, ac officijs quæ gessit; essetque in eo, quod re ipsa gerebat Præpositi scilicet Prouincialis, in quo vitam suam finiuit; sed nominatim ob excellentiam in virtute & Religione, quam ei Deus dederat: quare aptè ei competit, vt & tunc dicetur, & nunc de eodem dicatur: quoniam *Princeps & maximus cecidit in Israel*. Sed nec minus eidem competit id solatij, quod in alijs verbis ad nostram memoriam continetur: *nequaquam, ut mori solent ignauī*, &c. nam reuera ita est, quod P. Balthassar Aluarius nec vixit, nec mortuus est, tanquam ignauus aliquis. Non vixit quidem ut talis, si enim verum est, quod dixit Euripides: *nullus Euripides ignauus in celebrem virum evasit*; & Sallustius: *Sallust in ignauia nemo immortalis factus est*, &c. Qui fuit *bello Iugurt.*

vir adeò celebris in vita sua; qui immortalem ad eo sui memoriam posteris reliquit: quomodo dicemus, ignavum eum fuiss<sup>e</sup>? imò adeò ab ignavia fuit alienus, ut eius verba ad eā eliminandā, & ab omnibus qui ea laborarent, & qui in via Dei non progrederentur detestandam, tendere viderentur. Ex hoc enim verba illa s<sup>e</sup>pius ab ipso repetita profluxerunt; ne quis ab excelsis filiorum Dei cogitationibus degeneret, quæ, cūm vnuus ex eius Tyronibus in senatu, quo ducebantur, accepisset, cordiq<sup>e</sup> suo infixisset: & postea in Brasiliam nauigaret, essetque vnuus ex quadraginta nostræ Societatis Martyribus, qui in mari ab hæreticis Martyrium sunt passi: hisce boni sui Patris ac Magistri verbis, quæ in corde suo perpetuò infixa gerebat, reliquos comites exhortabatur ad Martyrium a lacriter obeundum, dicens: ne degeneremus ab excelsis cogitationibus filiorum Dei. Non igitur ignavus fuit P. Balthasar, sed potius ignauiam, grauius increpauit: quemadmodum strenuus Dux Ioseph, qui cum septem Tribus non accessissent ad accipiendam possessionem terræ, quæ illis obtinebat, dixit eis: g<sup>r</sup> vsque qno marcesc*t* ignavia, & non intratis ad possidendum terram, quam Dominus Deus Patrum vestrorum dedit vobis? quoties P. Balthasar in suis Exhortationibus, & Conferentijs mentionem hac de re, & præmio quod speramus faciebat, de terra, inquam, illa viuorum; de robusto pectore, & animo forti, quo difficultates omnes sint pervincendæ: ut aditus ad eam patet, quantam vim in verbis illis Salvatoris: h<sup>r</sup> Regnum celorum vim patitur, & violenti rapiunt illud! &c. nec virxit, nec mortuus est quasi ignavus aliquis;

**g Ioseph 18.5.** **h Manib. II.**  
12.

mor-

mortuus est, dum in suo Officio laboraret, consumptus & exhaustus, eò quòd semper vigilans fuerit tanquam strenuus Societatis miles, cum hasta in manu, bombarda in humeris, clypeo in brachio, lorica indutus, & galea ad caput imposta. Hoc dico: quòd cùm illud Officium adeò laboriosum fuerit superimpositum corpori adeò debilitato, sanitati imbecilli, ob longas vigilias, ieiunia, verberationes, cilicia, & continuam interiorem & exteriorem passionem, ac sensum mortificationem, quæ omnia in Officio adeò gravi & laborioso ita continuabat, vt nihil remitteret: quare intra paucos menses fuit expeditus nequaquam ut mori solent ignauit. O verba solatij plena! ò quam dulcem talis Patris memoriam renouant!

## PVNCTVM III.

**T**ERIO hęc talis Patris memoria excitanda in nobis est ex ijs, quæ ab alijs de eo dicuntur: sicut ipse Sapiens dixit, hoc tertio modo renouandum esse in populo hebræo memoriam Iosiae Regis: id enim verba illa ultima insinuant: *& ut musicæ in coniuicio vini:* quæ est etiam pulcherrima Metaphora, quasi diceret: quemadmodum in splendido aliquo coniuicio, etiam si intentum valde sit palatum comedentium ad ciborum saporem: eosdem tamen excitat trahitque ad se dulcissima ac suauissima Musica: ita ut simul cibus sit palato sapidus & gratus; auribus vero musica dulcis ac iucunda: ita Sapiens volebat, ut Iosiae memoria populum illum ad eundem cogitandum adduceret, ut sermonem de eo audire, illi esset, quasi suauissimam audiret musicam, dum

S. 4

in con-

in conuiuio aliquo hilari & iucundo versaretur.  
 Hæc igitur est tertia memorie ratio, quæ hacten-  
 nus fuit, & in posterum erit de Patre Balthassare  
 Aluario in medijs colloquijs spiritualibus, quæ  
 instar sapidissimorum ciborum animas valde re-  
 creant, quæ illis vesci solent; cùm ad agendum de  
 Deo, de virtutib[us], de Oratione, de Mortificatio-  
 ne, & alijs conueniunt. quanto maiori voluptate  
 afficitur aliqua ex illis animabus, quæ P. Balthas-  
 sarem nouerunt, dum de illis agunt, si in medio  
 colloquio occurrat occasio, mentionem illius  
 sancti faciendi, dicentes: quomodo ille Pater  
 hoc faciebat? quomodo hoc docebat? quomodo  
 loquebatur? mirum certè est, quanto afficiantur  
 solatio; & afficiantur in posterum ex huiusmodi  
 memoria, quasi iucundissimam aliquam musicam  
 in medio splendidissimo conuiuio audirent. Per-  
 uenerat Dux ille Holofernes Bethuliam, eo ani-  
 mo, ut totam terram Israel sibi subijceret: sed to-  
 tus populus Dei, dediderunt se Orationi; ad  
 quam mutuo se exhortabant, & ad poeniten-  
 tiā agendam: erantque illis hi sermones in ea  
 pressura magno solatio; & eos tanquam iucun-  
 dum conuiuium, quo se inuicem inuitabant, acci-  
 piebant, in quibus dum versarentur, Sacerdos He-  
 liachim cupiens maius adhuc illis solarium, &  
 animum addere, circumiuit totam terram Israel  
 exhortans eos, ut in eo, quod cœperant, constan-  
 ter perseverarent: quibus eius verbis magnum  
 solarium acceperunt, magnaue cum voluptate  
 eum audiebant; ipse vero, ut solarium illud adhuc  
 magis augeret, adiecit dicens: i Memores estote  
*Moysi serui Domini, qui Amalec confidentem in vir-*  
*tute*

i' *Judith* 4,

13.



tute sua & exercitu suo, & in clypeis suis, & in curribus suis, & in Equitibus suis, non ferro pugnando, sed precibus sanctis orando deiecit, &c. Fuerunt illis hæc verba instar incundissimæ Musicæ in conuiuo vini suavissimi exhortationis Sacerdotis Eliachim; talis itaque nobis fuit, & futura in posterum est boni P. Balthassaris memoria. Propterea enim eius ossa huc sunt allata, & manebunt in hoc Collegio; ut meritò dicere ei possimus, quod quidam Iob amicus ei dicebat: *k cum te consum-  
ptū putaueris, orieris ut lucifer.* O corpus, quamuis videaris consumptum; ô ossa, etsi videamini mihi esse confracta; viuetis tamen in nostra memoria; & splendebitis tanquam lucifer mane oriens, ex consideratione exemplaris vestræ vitæ in omnibus filijs vestris huius Prouinciarum, & in omnibus eorum successoribus. Illic videbamini esse occulta; & quasi iam dissoluta; sed vult Deus, ut hodie hæc tanquam recens lucifer compareatis. Hoc modo viuere debent hæc ossa in nostra memoria; sic lucere debent, donec ultimus ille & gloriolus perueniat dies, in quo & viuant & splendeant aliori modo in le ipsis; nunc lucet anima, & ut existimare licet, viuit in cælo in magna gloria. Cuius rei habuit reuelationem testis illa valde fide digna, quam paulò ante insinuaui, Sancta Mater Theressa de Iesu, quæ assueverauit, adhuc viuente ipso P. Balthassare, & aliquot ante eius mortem annis, ostendisse sibi Deum gloriam, quam ipsi in cælo præparasset, valde excelsam. Omitto alias, tempore mortis magni huius serui Domini (quæ non defuerunt) factas; quæ simul cum ijs, quæ aliunde nouimus, & in hac concione

Sf s insinua-

*k Iob. 11.17.*

insinuauimus de exemplari eius vita, quæ meritò faciunt nos id, quod iam dixi, existimare de gloria, qua eius anima fruitur in cælo. Sed eius ossa nunc viuunt & splendent in memoria nostra, quæ in loculo illo mortua, & corporis oculis non lucentia manent: sed dies veniet, qua & ipsa viuent, & magno splendore lucebunt. quanta ea lux erit, quam hæc ossa diffundent cùm gloriâ induita resurgent gloriosa? an non de omnibus, qui se tanquam bonos ministros Domini animarum conuersioni dediderunt, dictum est: *l qui ad iustitiam erudiunt multos, quasi stelle firmamentis fulgebunt in perpetuas aternitates?* Quid ergo de eo cogitavimus, qui tantâ curâ & solicitudine, cum stupendo adeò & copioso fructu id præstít: nisi quod in illa die apparebit tanquam itella, & pulcherrimus lucifer? fruamur nos eo interim, possidentes eius ossa; viuat, luceatque in nostra memoria, ut qui non habemus eum in loculo illo viuentem: gaudeamus saltem, quod in eo quidem mortuum; sed in memoria nostra viuentem habeamus. Sentiebat gloriosus sanctus Bernardus mortem Fratris sui Gerardi & cōuersus ad Deum dicebat: *Gerardum tu dedisti, Gerardum tu absu-  
listi: & si dolemus ablatum, non tamen obliuiscer-  
mur, quod datus fuit; & gratias agimus, quod habere  
illum meruimus.* Ita igitur nos dicamus: benedictus sit Deus, quod excellentem adeo virum viuentem habuerimus; sed & mortuum restituerit:

*Serma. 26. in  
Cant.*

*m Num. 23.  
10.*

*n Habac. 3.  
16.*

*m moriatur anima mea morte iustorum: si autem no-  
uissima mea huius similia. n Ingrediatur putredo in  
ossibus meis, & subter me scateat, vt requiescam in  
die tribulationis, vt ascendam ad populum accin-  
dum*



etum nostrum, &c. vbi sanctum hunc virum vide-  
bimus, qui suas passiones, suos sensus, suasque vo-  
luntas adeo accinctas habebat. Hæc interim  
nostra memoria repeatat: ut quod eius recorde-  
mur, sit nobis suauissimorum odorum globus, fa-  
uus mellis gustatui nostro dulcissimus, musica  
auribus nostris gratissima, qua vocem illam, di-  
gnam quæ de cælo veniret, audiamus: o Beati o Apoc. 14.  
mortui, qui in Domino moriuntur: Beati enim sunt<sup>13.</sup>  
in suis animabus; & beati in suis corporibus; bea-  
ti in sepulchris; beati in suis ossibus; beati in vi-  
ta; felices in morte; felices dum vixerunt in ter-  
ra; & felicissimi dum æternis gloriæ præmijs  
fruuntur in cælo. Quam gloriam mi-  
hi & vobis Deus, &c.

\* \*

*Laus Deo Beataeque Virginis  
Matri.*

## INDEX

